



儿85  
2149  
3



雲棧紀程卷五

廣漢 張邦伸 雲谷編輯

自寧羌州至廣元

十四日自寧羌西行山環水折中得平川豐草茂林

殊鬱佳氣二十里至界牌嶺路逕漸險李調元界牌嶺云冬行雖

幽墨冰雪出明爽新曦下危峩稍見天宇廣嶺陸頗

迴互鬱勃如修蟒我從尾上行步步不敢仰山房蓋

木皮居民訝魁魁見人或不自陳禮羸莽俗惡雖

可憎方言吾鄉做飯飽一談餘眼底失鞅掌何須見

鹿頭始作又十里至迴水河蓋因牢固關水曲折東

流故得是稱其水東流至寧羌州城北合滴水岩水

爲養河卽漾水也俗謂之養家河由城東北折至五  
丁峽與峽水合東北流入沔水道提綱白巖河自寧  
羌州城東北流合平溪河來會水勢始壯卽此水也  
第小註云白巖河出州西南與四川界之七盤關北  
流經州城西北則悞矣七盤關在牢固關之西其水  
西流不入寧羌十里至牢固關關高五里蓋嶓冢過  
峽處也其東北爲嶓冢山又東北爲鮒嶠山爲雲霧  
山爲紫柏山其南爲漫天嶺爲藁本山爲大巴山小  
巴山要皆嶓冢之綿互因地而異名耳關以東水東

北流入漢關以西水西南流入嘉陵江漢中記嶓冢  
以東水皆東流嶓冢以西皆西流卽其地勢源流所  
歸故俗以嶓冢爲分水嶺吳融分水嶺云兩派潏潏  
不暫停嶺頭長瀉別離情  
南隨去馬通巴棧北逐歸人達渭城澄處好窺雙黛  
影咽時堪寄斷腸聲紫溪舊隱還如此清夜梁山月  
更蜀道驛程記云分水嶺東水皆北流至五丁峽北  
合漾水入沔嶺西水皆南流逕七盤關龍洞合嘉陵  
水爲川江又云沮水出武都東狼谷東南流注漢水  
經此條在沔水下而此又云漾水出隴西嶓冢山東  
至武都沮縣爲漢水不惟兩漢水皆合於沮必無是

理而漾水近在武都之嶓冢反遠引隴西之嶓冢東  
 流至武都為漢其誤總以兩嶓冢為一山故自相矛  
 盾如是酈氏於漾水條下又云通谷水出東北通溪  
 上承漾水西南流為西漢水則未嘗按脉察理而牽  
 合桑氏之說以成其誤不知漾水實東南流無由西  
 南流與嘉陵白水相合也黃氏日抄云漢水二源一  
 出秦州天水縣謂之西漢水至恭州巴中縣入江今重  
 慶府巴縣一出大安軍三泉縣謂之東漢水至漢陽軍八  
 江觀此則二水源流了然矣又十里至黃壩驛王士  
 正夜

至黃壩驛短歌云氏道森沉十日雨石林冥冥斷行  
 旅洪濤殷地四山動古折盤渦禁難語前有蝮蛇後  
 豺虎紅鶴哀號奮毛羽吾生胡為狎此曹命輕如毛  
 爭一縷妻孥飄泊寄京國欲歸不歸在何所鄉關迢  
 首四千里縱有苦辛誰告汝吳省欽雨次黃壩云暮  
 宿羊鹿坪朝食半固關秦棧報垂盡食宿行開顏棧  
 險本在秦灘險本在楚蜀險祇脅從濟惡惡春雨雨  
 天無寸晴雨路無寸平濕泥墮雲頂半程遙十程止  
 止緒如麻行行面如土誰秦蜀後記黃壩驛一水南  
 慰寂寥心猿聲三四五流入廣元曰潛水禹貢沱潛既道鄭康成曰漢別為  
 潛卽此水也水出蔡山嶺下西流至轉頭舖南會七  
 盤關水入嘉陵江由驛西上閤家坡十里至廟亭子  
 五里至七盤關是為秦蜀之界秦蜀後記閤家坡與

七盤相距五里祇隔潛水其高不啻數倍險亦牛頭柴關之比而以坡名失其實矣一統志七盤關在保寧府廣元縣北一百七十里一名五盤嶺杜詩五盤雖云險山色佳有餘是也祝穆方輿勝覽謂五盤嶺屬利州亦名七盤嶺按七盤嶺卽今鷄頭關屬褒城祝氏誤關在嶺際路皆石磴盤旋七折始陟其巔極爲險峻道旁有小心移步四字碑杜甫五盤嶺云五盤雖云險山色佳有餘仰凌棧道細俯映江水踈地僻無網罟水清反多魚好鳥不妄飛野人半巢居喜見淳樸俗坦然心神舒東郊尚格鬪巨猾何時除故鄉有弟妹流落隨邱墟成都萬事好豈若歸吾廬岑參早上五盤嶺云

平且駢駟馬曠然出五盤江廻兩岸鬪日出羣峯攢蒼翠烟景曙森沉雲樹寒松踈露孤驛花密藏迴灘棧道溪雨滑畚田原草乾此行爲知已不覺蜀道難方象瑛七盤關云鷄頭關前七盤嶺引層崖窅谷路頂氏中又復度七盤空卻恠頂觸前人趾不知舉膝轉通拾級忽見雲霞奇絕萬里山川風景別一關中當心胸寧心息魄詫乍相接遙望川巴萬點明白雲斷隴蜀分羌笛渝歌乍相接遙望川巴萬點明白雲紫露還縱橫鱗彷彿峨眉雪不知何處錦官城北望京華南望越懷人兩地情偏切今朝身入大荒西涼風古驛關下水出斷竇山西南流逕關下又西流中秋月合木寨山水至轉頭舖南與黃壩驛水合按七盤關爲入蜀門戶行人登陟旣艱驛遞亦多不便今相厥形勢循山脚而西于水次南岸略加開治不過半里

許卽合大路毋庸防此峻阪移關於新開嶺下詰暴  
 防奸亦屬妥便至關下水不過涓涓細流添設橋梁  
 縱遇夏水泛漲亦斷不致有冲塌之患如此一轉移  
 間化險爲平既可惠及行人亦可節省馬力願與留  
 心驛站者商之李白送友人入蜀云見說蠶叢路崎嶇不易行山從人面起雲傍馬頭生  
 芳樹籠秦棧春流遶蜀城升沉應已定不必問君平  
 李遠送人人蜀云蜀客本多愁君今是勝遊碧藏雲  
 外樹紅露驛邊樓杜魄呼名語巴江由關西行踰新  
 學字流不知烟雨夜何處夢刀州  
 開嶺度木寨山逶迤上下頗類馬鞍嶺而呀嗟磳确  
 之石較少十里至轉頭舖

十五日自轉頭舖循潛水而南五里度石堰棧踰嶺  
 行五里至鐘子舖十里至温家墳十里至神宜驛卽  
 諸葛武侯籌筆驛也方輿勝覽籌筆驛在利州綿谷  
 縣北九十九里諸葛武侯出師常駐軍籌畫於此李商  
隱籌筆驛云猿鳥猶疑畏簡書風雲常爲護備晉從  
今上將揮神筆終見降王走傳車管樂有才真不忝  
關張無命欲何如他年錦里經祠廟梁父吟成恨有  
餘石延年籌筆驛云漢室虧皇象坤乾未卽寧姦臣  
與逆子搖嶽復翻溟權表分江城曹袁闕夏珣虎奔  
威逐逐龍臥獨冥冥從衆非無術欺孤迺不經崔思  
恢正道直起復炎靈管樂韶方畧關徐駭觀聽一言  
俄遇主三顧已忘形南旣清蠻土東期赤魏庭出師  
功白著治國志誰銘歷劍兵如水臨秦策若欲舉聲  
將潰虜橫勢欲逾涇仲達恥巾幗辛毗嚴壁局可煩

親細務遠見壁長星戰地悲陵谷來賢賞德刑意中  
流水遠愁外舊山青想像音徽在侵尋毛骨醒遲留  
慕英氣沉驛西岩上石洞名老君洞一名通仙洞有  
嘆撫青萍

石刻載唐明皇幸蜀見老君于此陸游老君洞云丹

峽蜀道復相逢太清宮闕洞旁有老君廟明時有老

僧焚修廟中後歸寂尸僵不化今猶存又五里逕黃

荆嶺緣坡而西五里至龍洞背一名龍門山有石穴

高數十丈其狀如門潛水奔注其中聲甚厲穿山腹

而出分爲三洞水逕二洞出三洞西南流入嘉陵江

洞中有人魚重百餘觔巨口四足能上樹作嬰兒聲

時出洞見者以爲不祥寰宇記龍門山一名葱嶺梁

州誌葱嶺有石穴高數十丈其狀如門號曰龍門出

好鍾乳爾雅水自漢出爲潛禹貢錐指郭璞爾雅音

義云有水從沔陽縣南流至梓潼漢書入大穴中通

峒山下西南潛出一名沔水舊俗云卽禹貢潛也渭

案括地志云潛水一名伏水今名龍門水源出綿谷

縣東龍門大石穴下元和志云龍門山在利州綿谷

縣東八十二里潛水所出卽郭氏所謂潛也漢晉壽

故城在今保寧府昭化縣東南綿谷亦晉壽地今爲

廣元縣又云水經注云西漢卽潛水自西漢迤流而  
屆於晉壽界聞漾枝津南歷岡穴迤邐而接漢沿此  
入漾書所謂浮潛而逾沔矣枝津卽郭璞所云水從  
沔陽縣南流至漢壽寰宇記所謂三泉故縣南大寒  
水西流者也歷岡穴迤邐而接漢岡穴卽郭璞所謂  
峒山括地志所謂龍門山大石穴者也龍洞背路極  
斗折上有閣道曰龍門閣馮鈐韓田云其他閣道雖  
險然在山腰亦微有徑可以置閣道惟此閣石壁斗  
立虛鑿石竅而架木其上比他處極險

沈佺期過蜀  
龍門云龍門

非禹鑿詭怪乃天功西南出巴峽不與衆山同長竇  
互五里宛轉復嵌空伏湍煦潛石瀑水生輪風流水  
無晝夜噴薄龍門中潭河勢不測藻葩垂彩虹我行  
當季月煙景共春融江關勤亦甚巖岨意難窮勢將  
息機事煉藥此山東杜甫龍門閣云清江下龍門絕  
壁無尺土長風駕高浪浩浩自太古危途中縈盤仰  
望垂綫縷滑石欹難鑿浮梁裊相拄目眩隕雜花頭  
風吹過雨百年不敢料一墜那能取飽聞經瞿唐足  
見度大庾終身歷險艱恐懼從人乃捷於龍盤旋出龍  
云神龍穿石飛洞壑晝常晦人乃捷於龍盤旋出龍  
背躡衣入重雲勢與風雨會危崖千萬狀不知始何  
代突兀浮圖高縱橫屏障大鱗鬣樹千章泉流吐飛  
沫下注不測涇沉沉氣冥昧倘燃牛渚犀百靈宛然  
在羗山多靈奇策名此爲最何必御風行曠然天地  
外王士正龍門閣云衆山如連麓突兀上龍背鱗鬣  
中怒張風雨晝晦味出瓜作之一而神奇始何代亂水  
趨嘉陵波濤勢交滙萬壑爭一門雷霆走其內直跨  
背上行四顧氣什倍夕陽下岷峩天彭光破碎咫尺



劍門關益州此絕塞子陽昔躍馬伏夢成仙區區  
 王與孟泥首終一概李特亦雄兒借竊竟何在又絕  
 句回園碧玉色峻嶒着箇行纏蓋飯僧松末風來龍  
 背冷坐看流水入嘉陵彭端淑龍洞背云萬山互迴  
 環嶙峋阻絕瀾羣流爭一窟水石相闕戰晦明羅白  
 畫神物時隱見劍關驚鬼工俯瞰目亦眩在昔聞龍  
 門平生未及踐禹功不到處宇宙又西南行十五里  
 多怪變巨石結構牢允矣終古奠又西南行十五里  
 至雜菓舖十里至朝天鎮蜀道驛程記上龍洞背兩  
 山夾峙一山如猱龍奮脊橫跨兩山之間下有洞似  
 重城門可通九軌水流其中下視烟霧蒼鬱下測尋  
 丈自是盤折而上騎龍背行四望諸山如劔錯戟牙  
 二十里許始下山渡河即分水嶺以西水入嘉陵江

處南山之巔為朝天關孫樵所謂朝天雙峙以虧蔽  
 中慘慄而陰翳是也其下江岸小有聚落日朝天鎮  
 即嘉川廢縣也陸游嘉川舖得檄遂行中夜次小柏  
 云黃旂傳檄趨歸程急服單裝破夜  
 行肅肅霜飛當十月離離斗轉欲三更酒消頓覺衣  
 裘薄驛近先看炬火迎渭水函關元不遠著鞭無日  
 橫涕空寰宇記嘉川廢縣本漢葭萌縣地宋武帝于此  
 置興樂縣西魏恭帝元年改為嘉州取嘉陵江所經  
 為名也九域志咸平五年改屬利州元併入綿谷縣  
 武元衡題嘉陵驛云悠悠風旆繞三川山驛空濛雨  
 似烟路半嘉陵頭已白蜀門西上更青天楊慎嘉陵  
 江云嘉陵江水向西流亂石驚灘夜未休巖畔蒼藤  
 懸日月崖邊瑤草記春秋板居未變先秦俗剝木從

疑太古舟三十六程知近遠試憑高處望刀州王士  
正嘉陵江上憶家云自入秦關歲月遲棧雲隴樹苦  
相思嘉陵驛路三千  
里處處春山叫畫眉

十六日自朝天鎮買舟西南行渡嘉陵江即西漢水  
也一名白水一名閬江其源有四一出甘肅秦州西  
南八十里天水郡五泉山即漢西縣嶓冢山也通典  
云嶓冢山有二一在天水一在漢中漢中之嶓冢漢  
水所出天水之嶓冢則西漢水所出也水自山腰五  
泉湧出其下為五泉寺水經注今西縣嶓冢山西漢  
水所導也西流與馬池水合又西南合楊廉川水又

西南逕始昌縣故城西又西南逕宕構戍南又西南  
逕祈山軍南又西逕蘭倉城南又南入嘉陵道為嘉  
陵水又東南逕瞿堆西又屈逕瞿堆南又東南逕濁  
水城南又東南逕修城道南又東南於槃頭城南與  
濁水合又東逕武興城南又西南逕關城北又西南  
逕通谷又西南寒水注之又西逕石亭戍又逕晉壽  
城西又南合漢壽水又東南逕葭萌縣東北與白水  
合又東南逕巴郡閬中縣又東南逕宕渠縣又東南  
合宕渠水又東南逕江州縣南入于江以今輿地

言之自秦州發源逕西和縣東北至禮縣西南嘉陵道爲嘉陵江又東南逕成縣西又東南逕畧陽縣城北槃頭郡與故道水合又東逕畧陽城南又西南歷陽平關逕寧羌州西北入廣元界朝天鎮潛水入之卽禹貢導江之潛也又西逕廣元城西又西南逕昭化城東北與白水合又南逕劍州東又東南逕蒼溪縣城東又東南逕閬中縣西南名閬江因其曲折三回形如巴字又謂之巴江又東南逕南部縣北又東南逕蓬州東又西南逕南充縣城東又南逕合州

東北合渠江又十里至州城東南合涪江又南至巴縣東北入江一出陝州鳳翔府寶雞縣南煎茶嶺名故道水水經注故道水出大散關西南流與馬鞍山水合又西南流北川水注之又西南歷廣香交合廣香川水又西南入秦岡山尚婆水注之又右會黃盧山水又南入東益州之廣業郡界與沮水枝津合謂之兩當溪又南注于濁水又南逕槃頭郡南注于西漢水以今輿地言之水出煎茶嶺西南流逕鳳縣城北又西南逕兩當縣南又西至畧陽縣東北注於嘉

陵江一出甘肅洮州衛西南西傾山曰桓水禹貢西  
傾因桓是來是也桓水一名白水西傾山一名強臺  
山水經注白水出臨洮縣西南西傾山水色白濁東  
南流與黑水合又東逕洛和城南又東南逕鄧至城  
南又東南與大夸祝水合又東與安昌水會又東南  
入陰平得東維水又東南逕陰平道故城南又東逕  
陰平大城北又東逕偃城北又東北逕橋頭與羌水  
合以今輿地言之自姚州衛東南流經文縣平武劍  
州至昭化縣東入西漢水一出西蕃界參狼谷曰羌

水水經注羌水出羌中參狼谷東南流逕宕昌城東  
又東南逕宕婆川城東而東南注又東南陽部水注  
之又東南逕武街城西南又東南逕葭蘆城西又東  
南逕五部城南又東南至橋頭合白水東南去白水  
縣故城九十里以今輿地言之水出西蕃界東南流  
經青川所歷平武縣劍州至文縣橋頭合白水流入  
昭化縣界按禹貢經文只載潛與桓則當以潛名嘉  
陵以桓名白水至別出枝津止依條引附一切西漢  
巴閬等名均可不立白水經誤以漾水合白水于是

有東西兩漢之名而常氏則以白水爲漢郭氏則以  
沔爲潛並有東西兩嶓冢愈加廻護愈覺支離雖淵  
博如道元猶有川流隱伏之疑精核如胸明亦有江  
漲迴流之說况其他乎不知時代雖殊川流不改今  
就水經源流分合按厥脉絡證以今名俾桓與潛之  
原委瞭如指掌不至彼此混淆諸家之論可不辨而  
自明矣明皇雜錄天寶中明皇忽思蜀道嘉陵山水  
假吳生馳驛寫貌及回帝問其狀奏曰臣無粉本并  
記在心遣於大同殿圖之嘉陵三百餘里山水一日

而成時有李思訓亦畫大同殿壁累月方畢明皇曰  
思訓數月之工道子一日之蹟各極其妙也蜀道驛  
程記明皇命李思訓吳道子各畫嘉陵山水于大同  
殿壁王維又別用絹素寫之謂之小簇宋王履道詩  
云江山已暗大同殿絃管猶喧凝碧池別寫嘉陵三  
百里右丞心事與誰知朝天鎮至昭化縣水可行舟  
陸可通騎自南來者因沂江而上牽挽維艱多舍舟  
從騎自北來者因朝天險峻登陟不易多舍騎從舟  
彭端淑嘉陵舟中云臨江思歇馬解纜得安流暫釋  
崎嶇苦猶懸道里愁岩廊千佛子風雨一孤舟翻似

安禪靜飄然物外遊朝天關即漢葭萌關也石磴盤空下臨江

水其險數倍於鷄頭鳳嶺為入蜀第一阨塞李化楠自廣元

縣至朝天關道中作云始發自龍門絕壁痕如削懸崖多佛像不知何年鑿江水傍崖趨激越鳴溪壑杈

枒天半石向人頭上落金鰲亦有背飛仙尚留閣怪石浮江湍孤根潛水窟行當絕險處顧盼生駭愕似

人立舟中虛蕩難穩著行行登山椒始覺天宇廓雄關扼形勝烟光浩漠漠性僻愛奇險幽居苦蕭索茲

來得壯觀耳蜀志漢建安十七年張魯兵犯葭萌關目因寄託

劉璋增備兵使擊張魯備西襲璋使霍峻孟達守葭

萌璋將向存扶禁等帥師萬餘人攻峻峻選精兵出

擊大破之張魯又令馬超取葭萌關超與張飛屢戰

不勝孔明使李恢說超超降其峽曰朝天峽一名明

月峽兩崖各高百十丈削立如關門石壁上有巨洞

可容萬人壁下近水石竇排列約深五六寸皆昔人

緣崖架棧之所雖屢經水戰其跡不沒費密朝天峽

峽巴山斷人秦大江流漢水孤艇接殘春暮色偏悲

客風光易感人明年在何處妻子共沾巾王士正云

朝登嘉陵舟日出羌水赤履險倦鞍馬即次亦稱適

默雞雙峽來突見巨靈躡巖無寸膚青冥厲雙翻

陰崖積龍蛻跳波畏鯨擲往往壓人頂駭此欲崩石

洞穴峽半開兵氣尚狼籍蛇豕據成都置戍當險阨

至今三百年白骨滿梓益流民近稍歸天意厭兵革

會見賓盧人燒畬開碛慷慨一扣舷浩歌感今昔

風便黎州城茫茫波濤白胡德琳云旬日走雲棧登

頓勞下上輿中因掀簸厭聞馬蹄響今晨改水涉失

喜聽雙槳荒舟小如葉水平如掌健疑青鶴飛疾  
 類枋榆捨難轉峽角來雙峙袤千丈石裂怒欲落長  
 壓不敢仰洞陰中慘慄白日迷惘恍其深蟠蛟龍其  
 毒聚蛇蟒側目望天關周道更渺茫行人偶失足一  
 墜詎可想峽西北羊模谷有仙洞時有異仙見宋文罔利  
 州綿谷懸羊模谷仙洞記云熙寧庚戌春余還朝過  
 利州通判寇諶為余言近日去朝天驛七八里巖谷  
 中有神仙出見洞口因往觀之自龍洞各具舟西下  
 過小峽有山嶢然崛起萬仞翠壁如削中闕石門可  
 五六丈時正晴日光下照有二童子先出次有一人  
 白衣皂巾曳杖垂長鬚襟帶隨風翻然往來下視久

之左右數青衣從行有物若鷄犬若虎若鹿者先後  
 之又有執扇與繖者隱隱若繪畫可愛長者纔尺餘  
 舉止詳緩如人行二十里許乃不見問其下居民云  
 相傳五代時土人有王姓者種山下盡室歛穫于此  
 因遣婦取水婦汲還路有病僧瘡穢甚滿身腥腐不  
 可近輒前索飲婦惡之且懼弛擔走僧就飲殆半遂  
 去婦不能易之隱其事置水田上其家人無長少同  
 來飲盡之婦以故獨不露口晚又令婦致饌既至其  
 所得僧飲餘水者盡飛入此洞婦既不見號哭囂諱

跳盪如狂忽聞洞口有呼婦者婦仰應不得去自是  
羸童牧叟常慣見不以爲異近每至天色開霽則出  
必盡日就中花木盛發時出尤屢向讀封禪記見祥  
符中利州路轉運使李允元奏綿谷縣羊模谷山洞  
中有神仙見自言嘗往見凡三數人或立或行衣裾  
皆有異光至日暮乃沒蓋此地爾又西南十五里至  
望雲舖十五里至沙河驛一名望喜驛李義山詩嘉  
陵江水此東流望喜樓中憶閬州是也卽古石亭戍  
水經注西漢水又西逕石亭戍廣平水西出百頃川

東南流入漢又有平阿水出東山西流注漢平阿水  
卽沙河水也又西十里至飛仙嶺一名威鳳山三面  
環江峭壁千仞上有祠宇名飛仙觀其下爲飛仙閣  
係經行大路亦棧中之險要益州于役記飛仙閣二  
里許有閣巋然山巔三面皆絕俯臨關門恒有起勢  
所謂飛仙關也方輿勝覽飛仙閣相傳徐佐卿化鶴  
跽泊之地四川通志明皇九日獵沙苑射中飛鶴帶  
矢飛去益州通觀有道士徐佐卿寄寓是日自外持  
一箭歸曰吾爲飛矢所傷已無恙因挂箭于壁書其



月日且云後十年箭主至此付之後明皇幸蜀至觀

中乃見箭杜甫飛仙閣云土門山行窄微徑緣秋臺

陰帶奔濤任來雜坐臥人馬同疲勞浮生有定分飢

飽豈可逃嘆息謂妻子我何隨汝曹楊慎云飛仙閣

上元珠侶千佛崖前巴字水夜來取水滌元珠劍舞

函關鶴鳴壘我生本是乘虛人苦鞋初試杖藜香振

衣忽到凌風館不傍桃花空問津王上正云山行宮

乘流江平况如練岸等開閣竹樹一葱蒨人言刊

州風今朝冷然善灘如塗毒鼓舟劇離弦箭仰眺飛

仙閣鳥道危一綫彎環歷三朝向背窮九面鋒雲卷

輕綃白日遞隱見嘉陵碧玉色晴雨皆婉變想見吳

道元應詔大同殿此生兩經行天遣追勝踐醉帽停

烏奴已泊益昌縣李調元云入峽祇一舍峰巒更偃

灰人擔豹虎憂江帶龍龜色巍巍飛仙閣高際入無

極飛藁照山光蕩漾何崗劣上有連雲愁下有沉潭

黑蛇蟠九曲灣鳥道一竿直丹梯不在地白日忽西

側艱哉徒旅人跋涉無時息却羨蕩舟子凌波如鳥

翼又南經乾龍洞遶金鰲嶺李調元金鰲嶺云連日

嶺恐懼始脊起逕益高壓仆驚礧礧洞壑深巖峭人

與馬相警逐彼升木猱咫尺目花眩恐落萬丈濤我

聞龍伯人巨鈞連六齋疑請五真時遺此一遊逃亦

如禹治水支祁加鎖牢居人指山頂有神饜腥臊前

明御史碑首紀開路勞當年椎牛祭毋乃太貪饕何

不鑿之平猶苦販與挑語罷神亦怪江風中怒號

三十里至千佛巖千佛巖即古石櫃閣也方輿勝覽

石欄橋在綿谷縣北一里自城北至大安軍界管橋

欄閣共一萬五千三百一十六間其著名者惟石櫃

龍門二閣方輿紀要明洪武二十四年景川侯曹震

雲棧紀程

卷五

相視開鑿壘石為岩益為坦途四川通志千佛巖在  
縣北十里江東岸石崖蜿蜒其形如門上有千佛唐  
利州刺史韋杭所鑿秦蜀後記千佛崖鑿石為慈氏  
像多至百千萬億唐蘓許公題有利州佛龕記蘓頌  
利州  
北佛龕前重於去歲題處作云重巖載清美分塔起  
層標蜀守經塗處巴人作禮朝地疑三界出空見六  
塵銷臥石鋪蒼蘚行藤覆綠條歲年書有記非為學  
題橋杜甫石欄閣云季冬日已長山晚半天赤蜀道  
多早花江間饒奇石石欄骨波上臨虛蕩高壁清暉  
回羣鷗暝色帶遠客羈樓負幽意感嘆向絕跡信甘  
尋慄髮不獨凍餒迫優游謝康樂放浪陶彭澤吾衰  
未自由謝爾性所適王爾鑑千佛巖葭萌勝蹟日久  
摧殘頗多張明府企豐捐俸重修余道出於此因咏  
以紀其盛云石壁聳江干嵌空若屏幃渾沌初未鑿

冲虛無色相山靈孕真字幻出千佛樣朴鑿天豈欣  
慈航心所向昔我初來時千身一苦障今我復遊此  
金碧湧江浪不惜億萬錢豈其禱殊願出無生力  
調彼衆生恙霏雨散香花二月春波漲洪瀾寫層崖  
慧目光滌漾我欲問空色變化殊  
難狀但見搖青嶽雲帆波下上 又十里至廣元縣  
本古苴侯國也史記秦惠王時苴蜀相攻因使張儀  
司馬錯取蜀華陽國志周顯王時蜀王封其弟葭萌  
于漢中號曰苴侯苴侯與巴王為好巴蜀讐也蜀王  
怒伐苴苴侯奔巴求救于秦秦因以滅巴蜀後遂置  
葭萌縣晉置晉壽郡梁大同中改曰黎州大寶初氏  
僧楊法琛襲據黎州益州刺史武陵王紀遣將楊乾

運等討平之及紀僭號以席疑為黎州刺史西魏改  
 曰利州後周大象二年益州總管王謙舉兵討楊堅  
 遣將達奚堪攻利州堰嘉陵江水灌之利州總管盧  
 勤固守不能克隋始改州治興安縣曰綿谷尋又改  
 為義城郡治唐仍為利州治宋置利州路元改為廣  
 元路明初降為州尋又降為縣溫庭筠利州南渡云  
 澹然秋水對斜暉曲  
 島蒼茫接翠微波上馬嘶看棹去柳邊人歇待船歸  
 數叢沙草羣鷗散萬頃江田一鷺飛誰解乘舟尋范  
 蠡五湖煙水獨忘歸李商隱利州江潭作云神劍飛  
 來不易銷碧潭珍重駐蘭橈自攜明月移燈疾欲就  
 行雲散錦遙河伯軒窗通貝闕水宮帷箔卷冰綃此  
 時燕脯無人寄雨滿空城蕙葉雕王士正廣元舟中

聞棹歌云江上渝歌幾處聞孤舟日暮雨紛紛歌聲漸過烏奴去九十九峯多白雲蜀檣杙曰

利州四會五達之地也自縣而南則由保寧潼川而  
 達成都自縣而西則由劍門綿漢而達成都唐歐陽

詹益昌行序云貞元年中天子以工部郎中興元少

尹吳興沈公長源牧利州其為政五年子旋遊于利

觀人安俗阜欽所以美作詩一章利州故益昌郡也

曰曰益昌行歐陽詹益昌行云驅馬至益昌倍驚風  
 俗和耕夫壟上謠負者途中歌處處川

復原重重山與河人烟遍餘田時稼無閒坡問業一  
 何修太守德化加問身一何安太守恩懷多賢哉我  
 太守在古無以過愛人甚愛子理邦如理家雲雷既  
 奮騰草木遂萌芽乃知良二千德足為國華今時固

精求漢帝非徒嗟四季有青春衆植  
竹楊葩期當說霖雨天下同滂沱 縣西江之西岸

有皇澤寺內有武則天石像像是一比邱尼唐武士

護鎮利州生則天時袁天罡至朝天關望見利州路

有王氣至則王氣在武府謁士護曰公得貴嗣請視

之士護曰女也袁曰龍眉鳳日異日當為天子後武

后秉政建皇澤寺于此黃輝何侯招飲皇澤寺泛月  
紀典云碧玉嘉陵靜不流山

城一半水烟浮接天寶樹行青雀帶雪虛峯下白牛  
蓮社風期孤客貫苔龕名字幾人留今宵明月同歌

笑可似當年李郭舟王士正利州皇澤寺則天后像  
二首云鏡殿春深往事空嘉陵禍水恨難窮會聞奪

塔瑤光寺持較金輪恐未工瓦官寺裡定香薰詞客  
曾勞記錦裙今日蘭橈碧潭上玉溪空自怨行雲鄰

王臣利州皇澤寺觀金輪比邱尼石像云嘉陵龍爨  
流禍水感業寺尼作天子軍中新拜白馬師天下齊

歌契苾見唐家舊臣半為鬼李氏諸郎多化虺五龍  
夾日日再中妖狐老死上陽宮空山片石妖所憑為

雲為雨蜀中名勝記古利州廢城在今保寧府廣元  
春冥冥

縣縣之臨清門川主廟即皇澤寺縣之南有黑龍潭

后母感漑龍而孕也寺後即烏奴山因李烏奴得名

按北史王元邁傳云命李烏奴作亂梁部陷白馬戍

元邁率車從七百餘人討之不克慮不自保乃使人

偽降烏奴喜輕兵襲利州元邁設伏擊破之烏奴挺

身走太祖聞之曰元邁果不負吾意也放翁詩暮雪

烏奴停醉帽秋風白帝放歸船本此縣西二十里有九龍山與烏奴山接連山環九十九峯如劍戟排列舊有司馬溫公祠按公年譜公父池爲利州轉運使公隨父之任嘗遊此故土人祀之名勝志縣北四十里爲潭毒關志云潭下淵底有一鉄索見則兵動向有御前軍屯此以捍蜀口四川通志廣元縣有石崖二字乃石中自然成文嘉靖中崩出一面字墜江中一面字現石上歲久不磨其痕如玉又江中有天符石大如棹上有文如符相傳爲張道陵所書人佩之真奇觀也

能祛邪三岔溝有石筍十餘根其直如柱皆百餘尺

雲棧紀程

廣漢 張邦伸 雲谷編輯

自廣元至沉香舖

十七日由廣元城南渡漢壽水酈注水出東山西逕東晉壽故城南而西南入漢禹貢錐指今廣元縣南有漢壽水按漢壽水出紫本山閭王壩山麓三泉品列水自穴中噴薄而出即成河受諸山谷水西流至廣元縣南入嘉陵江行二十五里至張家灣十里至柘柏渡即嘉陵江與白水會處也

李元奮黎州舟至葭萌云

板頭葉葉鳴兩漿穀紋滑笏平如掌嘉陵江水接銀  
河便泛浮槎坐天上憶昔南道渡白門石尤怒阻皇  
天蕩日昏陲壁啼清猿夜黑深潭騰巨蟒離騷在手  
竟忘憂風帆一霎何蕭爽白濤滾滾湧金焦浮圖插  
處江天朗錢唐五月興更豪紅藕香中停鳥榜平波  
星點列樓臺遊人都作瀛洲想寒汀漠漠月三分曲  
港微微風五兩從此不逐南溟遊他年願作西湖長  
如何計左墮淄塵譬彼飛蝶絡蛛網岑牟袴褶學從  
戎驕驪縱轡馳塊莽老偃骸肉不可支矍鑠據鞍空  
自強山行已倦忽乘流喜過麻姑搔背癢人生踪跡  
幻且奇蒼狗白雲一俯仰會須拿舟訪范蠡不然  
掉臂從疏廣空江夢斷情無言桔柏渡頭人語響名  
勝志云桔柏渡舊傳其津有二魚負舟往往沉溺一  
道士求渡操舟者難之道人曰吾葛仙翁也命取石  
書符令舟人佩之至中流二魚果出擲符水中少頃

浪息次日二魚死於龍爪灘下舊唐書元宗幸蜀次  
利州益昌縣渡吉柏江有雙魚夾舟而躍議者以為  
龍方輿勝覽桔柏潭在利州昭化縣五代唐莊宗伐  
蜀王衍兵屯利州遂戰三泉敗衍懼斷桔柏浮橋宋  
乾德三年伐蜀敗蜀兵于大漫天砮追至利州城北  
蜀將王昭遠渡桔柏津焚浮梁退保劍門即其地也  
杜甫桔柏渡云青冥寒江渡駕竹為長橋竿濕煙漠  
漠江水風蕭蕭連竿動婀娜征衣颯颯急流鳴鷓  
散絕岸鼉鼉驕西轅自茲異東逝不可要高通荆門  
路濶會滄海潮孤光隱顧盼遊子悵寂寥無以洗心  
胷前登但山椒王士正桔柏江云小舟飛青鶴西掠  
馬鳴閣閣道凌天關稍幸息腰脚茫茫雙江來抱此

益昌郭荒城豺虎多殘堞出叢薄國憶苴侯開江疑  
 龍靈鑿武都地勢高衆水競流落分道下氏羌兩川  
 乃磅礪鳴水迴驚瀾陰平割大壑仇鳩勢未夷岸牛  
 道彌惡千里會葭萌崩騰似相索湊湊竟同流西逝  
 連井絡九十九峯間回首一錯愕李化楠桔相渡云  
 渡頭兩日風色惡行人欲濟還驚愕正愁水窟驕龍  
 鼉坐見車馬填城郭我來已是風浪平崖邊猶聞激  
 瀾聲人多船少不得渡爭先擁擠喧研旬清晨坐至  
 日沉西一舟橫駕水雲低遲速由來亦有時曉風殘  
 月隨征蹄唐樂字桔柏渡云夢斷人初起天寒酒易  
 消白沙千里月黃葉半江湖水木迷青雀  
 風塵敝黑貂橫流能涉險漁子不須招  
 白水一名  
 桓水禹貢西傾因桓是來禹貢錐指地理志云西傾  
 山在隴西臨洮縣南夏氏曰西傾後世所謂強臺山  
 其南桓水出焉一名白水渭按今陝西洮州衛本漢

臨洮縣地唐為臨潭縣屬洮州括地志云西傾在臨  
 潭縣西南二百三十六里西傾之戎在山之西南唐  
 為吐蕃地北連吐谷渾西接黨項黨項故析支也山  
 海經曰白水出蜀而東南注于江郭璞云色微白濁  
 今在梓潼白水縣從臨洮之西西傾山來經沓中東  
 流過陰平至漢壽縣入潛酈道元云桓水自西傾至  
 葭萌入於西漢即鄭元之所謂潛水者也今白水自  
 洮州衛流經文縣平武劔州至昭化縣東入西漢水  
 此即禹貢之桓水西傾之戎所因以來者也地理今



釋西傾山一名強臺山在今陝西鞏昌府洮州衛西  
蕃界延袤千里外跨諸羌桓水一名白水出今陝西  
岷州衛東南分水嶺至四川保寧府昭化縣東入西  
漢水南北史吐谷渾酋長阿豺登其國西疆山觀壑  
江源問羣臣曰此水流更有何名由何郡國入何水  
長史曾和曰此水經仇池過晉壽出宕渠始號墊江  
至巴郡入江度廣陵會于海阿豺曰水尚知歸吾獨  
無所歸乎乃遣使南通于劉宋貢方物宋少帝封爲  
浣河公西疆山卽西傾山古墊江卽今合州也水經

注晉壽城東北水有津關段元章善風角弟子歸元  
章封笥藥授之曰路有急難開之生到葭萌從者與  
津吏爭打傷開笥得書言其破頭者可以此藥裹之  
生乃歎服還卒業焉亦廉叔度抱父柩自沉處也後  
漢書廉范字叔度京兆杜陵人父丹王莽時爲大司  
馬庸部牧客死于蜀范遂流寓西州後歸鄉里年十  
五辭母西迎父喪歸葭萌載船觸石破沒范持柩俱  
溺衆鉤求療救獲免于死渡江而西五里至昭化縣  
本漢葭萌地晉置益昌後魏曰嘉兆後唐改益光宋

改昭化

岑參和杜相公發益昌云相國臨戎別帝京擁麾持節遠橫行朝登劍閣雲隨馬夜渡巴

江雨洗兵山花萬朶迎征蓋川柳千條拂去旌暫到蜀城應計日須知明主蜀待衡唐書何易

于為益昌令刺史崔朴乘春泛舟東下出益昌索民

挽舟易于腰笏挽舟上下刺史驚問狀易于曰方春

百姓不耕即蠶隙不可奪易于為屬令當其無事可

以充役刺史慙跳出舟騎還去

王士正汎嘉陵江至益昌懷何易于云益

昌古利州由來五達衢白水合嘉陵山谷相盤紆我

有汎舟役萬里經川塗望古懷清芬所思何易于刺

史乘春下畫鷁盛嬉娛前舟載賓客後舟羅笙等素

民為挽舟牽綽須百夫縣令腰笏前挽舟自先驅刺

史驚問狀縣令乃前趨方春耕且蠶民力方勤劬令

適暇無事可以充卒徒刺史聞之慙上馬如亡述仁

人重一言能使民力藉考獻徵樵文摭之載唐書累

百守令中尚有斯人無作詩告有位磬石鑿山隅

西逕費敬侯墓蜀志費禕字文偉江夏鄆人也少孤

依族父伯仁入蜀先主定蜀遂留益土與汝南許叔

龍南郡董允齊名丞相亮南征還羣僚數十里逢迎

年位多在禕右亮特命禕同載由是眾人莫不易觀

數使吳權甚器之亮卒禕為後軍師頃之代蔣琬為

尚書令延熙七年魏軍次于興勢假禕節率眾往禦

之來敏至禕話別求共圖基于時羽檄交馳人馬擐

甲嚴駕已訖禕與敏留意對戲色無厭倦敏日聊試

君耳君信可人必能辨賊禕至敵遂退封成鄉侯

策費敬侯墓云萬里橋頭蹟未忘孤墳劍北草全荒

如何忠亮將軍祀不及陰兵濟順王李調元云器重

鄰邦使節頻唯公不負股肱臣鹿車共載真名士虎

帳彈棊信可人只有叔龍堪作侶誰知黃鶴是前身

成都望氣成先識又西八里至茶亭又西三里危逕

千載空教恨郭循

數盤至天雄關關在牛頭山麓

吳省欽天雄關雨憩云天雄關隱牛頭半

東斗闌干日中見八窗微裂嶺鳥迴多少征人淚流

霰後馬頭頂前馬蹄兩蹄一搜升一梯千梯萬梯逼

霄漢喘息溢涌怪扶攜隴樹膠葛秦樹低嘉陵江樹

較近翻淒迷怪爾斷無尺株寸杪媚煙色惟有鐵棧

破碎如鱗如甲排青霓是時牛頭號怒欲卸閣黑風

吹帽壞裘薄纖雲辣關冰子落只到牛腰不到脚焉

得喚起五丁力士來奮牽犁作田若屯炊煙雷此俱

眺西山雪嶺東日邊我行不能住不得玉女開笑電

搜壁沈聯芳天雄關云虛閣盤山角崔巍若建飯扶

欄愁駐足立馬可捫壁浪湧雙江白雲連二劍青牛

頭何劣崩永四川通志牛頭山在縣西二十五里以

形名輿地紀勝昭化縣牛頭山與朱雀山相連牛頭

山之最險者曰陰塢一逕跨山之北終年不見日影

俯視白雲皆出其下故曰陰塢按三國陳泰率徐質

鄧艾圍句安于麴城姜維赴救出自牛頭山與泰相

對係狄道之牛頭唐杜甫入蜀題牛頭山滕王亭子

係梓州之牛頭與此相去或七八百里及三百餘里

不等近日詩家多有引用者未及深考也秦蜀後記

昭化南里許登牛頭山山下皆土阜陂陀而上西俯嘉陵江數折不復見江江水西南趨閬中也每折愈高石梯斗絕約二十里始造其巔奇壁修竹畧如北棧南下斗絕亦如之已及深谷更陟一峰石梯斗絕如前人馬仰天脅息如是陟五六峯四顧羣山皆在其下猿鳥蹟絕風雲通之仰視白日如可手捫高將鳳頭而險峭什倍其山皆橡林鮮他樹李化楠牛頭山云牛頭高聳青霄上巨石谿窠相向劍閣西來百里翠相連奇峯幻化難名狀我來陟其巔蒼崖古木懸下視諸山俱拱立直疑此間呼吸可通天山僧起閣臨空潤把檻更覺雙眸豁長江滾滾抱城流疎林晚烟飛木

末晴雲連袂起危逕排石齒不虛古人登天擬蜀道之難從此始李調元云峩峩上牛頭一握天在手浩呼風四來紛葩夔夔走盤空大石磴鈎梯何其陡人與白雲浮路在垂猿右乍見岷峨低方知華嶽後長行力已疲徒御相攜負攀檻如猿升翻笑健成叟山僧隣我固招坐佛閣隔扶眼納千疇一覽真不朽却看舊題壁呼又西行十里至新舖又西五里至竹極嗟重回首子即白衛嶺也名勝志唐明皇幸蜀過此見元元皇帝騎白衛而下示取祿山之兆遂封嶺神白衛公四川通志白衛嶺在昭化縣西南五十里與劍門相接唐詩紀事明皇幸蜀登白衛嶺眺覽良久歌李嶠詩至山川滿目淚沾衣日嶠真才子也方輿紀要後唐

長興初孟知祥董璋謀據兩川命石敬瑭討之敬瑭入散關前鋒將王宏贊引兵自白衛嶺入頭山後過小劍路出漢源驛還擊劍門克之卽此又西南十里至達摩樹一名大木樹卽小劍戍也迤北有峰突起尖削如柱高插雲表曰小劍山人行其下仰視絕纓蜀山之奇未有勝于此者上建祠宇四時香火不絕益州圖經云小劍山截野橫天奔峰倒地挾楚包漢呀秦擁蜀大劍雖號天險有扼塞可守崇墉之間逕路頗坦小劍則鑿石架梁飛閣成道聳峭不容飛越

李白所云一夫當關萬夫莫開者也

十八日由大木樹南下土坡深林密菁五里至孔道新渡小劍溪溪出小劍山過瀑布崖與大劍溪合水經注小劍水西南出劍谷東北流逕小劍戍下入清水又東南注白水又十里至高廟舖又十里至七里坡又十里至誌公寺舊傳梁誌公僧西進劍門居大劍山絕頂脫化于此秦蜀後記誌公寺古聖壽寺也陸務觀云劍門東石壁間影有若僧負杖者杖端彷彿有拂子刀尺之狀故又稱誌公也披榛訪之基址

頗洪敞惟一石鑪及斷闕石欄蕪沒草中餘無所覩  
 寺前卽小劍溪緣溪南行又十里至劍關卽古劍閣  
 也其山峭壁中斷兩崖相嵌狀類崇墉峰皆北指東  
 壁一山削成四方望若堅壘蜀恃以爲外戶故又謂  
 之劍門水經注小劍戍西去大劍三十里連山絕嶮  
 飛閣涌衢謂之劍閣張載銘曰一人守嶮萬夫趨  
 信然故李特至劍閣而嘆曰劉氏有如此而面縛于  
 人豈非庸才耶舊唐書劍州劍門縣界大劍山卽梁  
 山也其北三十里有小劍山有閣道三十里寰宇記

二劍古不以關名諸葛亮相蜀鑿石架空爲飛梁閣

道以通行路于此立劍門關張載劍閣銘云巖巖梁

近綴岷峨南通邛夔北達褒斜狹過彭碣高踰嵩華  
 惟蜀之門作固作鎮是日劍閣壁立千仞窮地之嶮  
 極地之峻世濁則逆道清則順閉由往漢開自有晉  
 秦得百二并吞諸侯齊得十二田生獻籌矧茲狹隘  
 土之外區一人荷戟萬夫趨起形勝之地匪親勿尾  
 昔有武侯中流而喜山川之固見屈吳起洞庭孟門  
 二國不祀興實在德嶮亦難恃自古及今天命不易  
 甕阻作昏鮮不敗績公孫旣沒劉氏岫壁覆車之軌  
 無或垂跡勒銘山阿敢告梁益唐元宗幸蜀西至劍  
 門云劍閣橫雲峻巒輿出狩回翠屏千仞合丹嶂五  
 丁開灌木紫旗轉仙雲拂馬來乘時方在德嗟爾勒  
 銘才杜甫劍門云惟天有設險劍門天下壯連山抱  
 西南石角皆北向兩崖崇墉倚刻畫城郭狀一夫怒  
 臨關百萬未可傍珠玉走中原岷峨氣悽愴三皇五

帝前雞犬各自放後王尚柔遠職貢道已喪至今英  
 雄人高視見霸王并吞與割據極力不相讓吾將  
 真宰意欲鑄疊嶂恐此復偶然臨風默惆悵岑參入  
 劍門作倚天立萬仞從地劈雲飛不到頂鳥去難過壁  
 雙崖倚天立萬仞從地劈雲飛不到頂鳥去難過壁  
 速駕畏岩傾單行愁路窄平明地仍黑亭午日暫赤  
 凜凜三伏寒曉曉五丁迹與時忽開閉作固或順逆  
 磅礪跨岷岷魏蟠限蠻貊星常紫參分地處西南僻  
 陡覺烟景殊合將華夏隔劉氏昔顛覆公孫曾敗績  
 始知德不修恃此險何益相公總師旅遠近罷金草  
 杜母來何避蜀人應更惜暫回丹青慮少用開濟策  
 二友華省郎俱為幕中客良籌任戎律精理皆碩畫  
 高文出詩騷奧學窮詞隲聖朝無外戶寰宇被德澤  
 四海今一家徒然劍門石陸游劍門道中遇微雨云  
 衣上征塵雜酒痕遠游無處不消魂此身合是詩人  
 未細雨騎驢入劍門高其倬劍門云兩崖對起削雲  
 根邸閣全傾佛寺存千古哀興幾變觸一龕鐘鼓自  
 朝昏無人戰鬼啼清書不夜於菟到驛門蜀道荒涼

身萬里不聞鈴雨亦消魂李重華劍閣云我行聞雄  
 關天險始無敵迢遙來一髮突兀過重壁望望嗟呀  
 間豁鏘不盈尺到關穿雪竇窺戶睇月隙峨峨二山  
 中萬夫一礮石都無客土附而總精鐵積其間鬱叢  
 箐其底亂激射鳥兔失飛走蛟螭避堂宅入門循叢  
 隧雙峽亘而窄左作長鯨掀右類巨鼉擲雷轟泯斧  
 鑿雲巖隨縷脉迴風驟長駢雲氣砭嶺脊洪荒想胚  
 胎元氣更併迫倘非仙掌排亦屬應龍劃五丁力不  
 逮渠能萬靈役殘山通仄狹留險藉控搃誰知旆長  
 奸據竊逞荷戟炎漢固殊類偏安我惋惜子陽先覆  
 轍王孟後接迹稱帝旋洞胸降王逝銜璧何况獻賦  
 流蝮蝎恣毒螫張牙縱狂嚙擢髮終寸磔伊昔湖敞  
 初人烟莽蕭瑟生息今百年墜關連方陌文翁兼詩  
 戎武鄉兼教澤遼絕若番藏倏瞬達重譯而此枕席  
 安號渙誰擁隔地利分險夷皇圖觀順逆磨崖奮如  
 椽申命戒梁益彭端淑劍門云長劍倚天門巨石裂  
 地軸萬古峙崢嶸雄關壯巴蜀憶昨驚烽烟旌旗塞  
 高谷聖德威百蠻到今邊宇肅嗟余向北還行行

復躑躅徑仄如髮縈溪深陷山足長風吹不伏陰氣  
 慘以驢鄉國適無虞陟險甘所欲明晨騁征鞍迢遞  
 達平蜀道之險至此而始故古樂府有蜀道難  
 難云噫吁嘻危乎高哉蜀道之難難于上青天蠶叢  
 及魚鳧開國何茫然爾來四萬八千歲不與秦塞通  
 人烟西當太白有鳥道可以橫絕峨眉巔地崩山摧  
 壯士死然後天梯石棧相鉤連土有六龍回日之高  
 標下有衝波逆折之回川黃鶴之飛尚不得過猿猱  
 欲度愁攀援青泥何盤盤百步九折縈巖巒捫參歷  
 井仰脅息以手撫膺坐長歎問君西游何時還畏途  
 巉岩不可攀但見悲鳥號古木雄飛雌從繞林間又  
 聞子規啼夜月愁空山蜀道之難難于上青天使人  
 聽此凋朱顏連峰去天不盈尺枯松倒掛倚絕壁飛  
 湍瀑流爭喧豨崖轉石萬壑雷其險也如此嗟爾  
 遠道之人胡為乎來哉劍閣崢嶸而崔嵬一夫當關  
 萬夫莫開所守或匪親化為狼與豺朝避猛虎夕避  
 長蛇磨牙吮血殺人如麻錦城雖云樂不如早還家

蜀道之難難于上青天側身西望長咨嗟唐陸暢復作蜀道易以矯之雖

各有寄託要其山川之險均可想見也方孝孺蜀道  
 白作蜀道難以將帥之酷虐厥後章梟治蜀陸暢  
 反其各作蜀道易以美之今其詞不傳伏惟今天子  
 以大聖御極殿下以睿哲之姿為蜀神明主臨國以  
 來施惠政崇文教中外同聲稱頌四方萬里之外水  
 浮陸走無有寇盜商賈駢集如赴鄉閭蜀道之易  
 斯為至矣臣才雖不敢望白而所遇之時自不敢望  
 臣也。因奉教作蜀道易一篇以述聖上及賢王之德  
 名雖襲暢而詞無溢美頗謂過之詩云美矣哉西蜀  
 之道何今易而昔難陸有重岩峻嶺萬仞鏡天之險  
 閣水有砥雷掣電懸流怒吼之江關自昔相戒不敢  
 至。胡為乎今人操舟秣馬夕往而朝還大聖建皇極  
 王道坦坦如砥直西有雕題鑿齒之夷北有氐羗  
 髻之貊東如南大海外使來接迹何况川蜀處華夏  
 琛執贊効朝貢春秋使者來接迹何况川蜀處華夏



雲木系和 卷六 二

賢王于此開壽域播以仁風沾以義澤家和人裕  
兵欲革豺狼變化作麟虞虺虺消藏同蜥蜴鑿山焚  
荒穢略水剝崖石帆檣扇覆任所往宛若宇宙重開  
闕美哉蜀道之易有如此四方行旅絡繹來實成都  
萬室比屋如雲桑麻蔽原野犬聲相聞文翁之化  
孔明之仁嚴鄭之節揚馬之文遺風漸被比鄒魯士  
行修舉方回參方今况有賢聖君大開學館論典墳  
坐令致化希華勳徵賢一詔到岩穴咄爾四方之士  
孰不爭先而駿奔王道有通塞蜀道無古今至險不  
在山與水只在國政竝人心六朝五季時王路嗟時  
沉遂合三代民盡為獸與禽當時豈惟蜀道難入荒  
之內皆晦陰今逢天子聖賢王之德世所欽文教洽  
飛動風俗無邪淫孱夫弱婦懷千金悍吏熱視不敢  
侵蜀道之易諒在此咄爾四方來者不憚山高江水  
深  
山頂有寺曰梁山寺即誌公禪栖處也寺旁有金  
龍池每夏漲時有二物長二寸許四足黑背金腹宛

然龍狀池旁兩崖峭立萬仞中不相連下視無底遇  
雨雷從峽底發聲謂之雷峽山下水為大劍溪一統  
志大劍溪發源大劍山由劍門關流出北折為魚子  
溪與小劍水合關之東麓有姜伯約祠蜀志姜維字  
伯約天水冀人仕蜀為大將軍景耀五年維率眾出  
漢侯和為鄧艾所破還住沓中維本羈旅託國累年  
攻戰功績不立而宦官黃皓等弄權于內陰欲廢維  
維亦自懼求沓中種麥不復還成都六年維表後主  
聞鍾會治兵關中欲規進取宜竝遣張翼廖化諸軍

雲木系和 卷六 七

分護陽安關口陰平橋頭以防未然皓徵信鬼巫謂  
 敵終不自至啟後主寢其事及鍾會將向駱谷鄧艾  
 將入沓中乃遣廖化詣沓中為維援張翼董厥等詣  
 陽安關口以為諸圍外助比至陰平聞魏將諸葛緒  
 向建威故住待之月餘維為鄧艾所摧還住陰平會  
 攻樂城不能克聞關口已下長驅而前翼厥甫至漢  
 壽維化亦舍陰平與翼厥合還保劍閣會與維書維  
 不荅列營守險會不能克糧運縣遠將議還而鄧艾  
 自陰平由景谷道傍入遂破諸葛瞻于綿竹後主請

降艾前據成都維等初聞瞻破引軍由廣漢郡道以

審虛實尋被後主勅令乃投戈放甲詣會于涪軍前

將士咸怒拔刀斫石莊學和劍閣姜平襄祠二首云

錦關此日卿忠依北地當年授略負南陽中原九伐

無撓計上將雙殲有智囊白楛不教消息漏指揮漢

日頓重光沓中豈是為身謀保障成都第一籌不畏

裹毡來鄧艾最嗔蜀璧出譙周軍皆砍地完齊燼敵

竟呼天繫楚囚大膽何嘗方輿紀要梁天監四年魏

將邢巒取漢中諸城戍遣統軍王足入劍閣圍涪城

巒表言蜀之所恃惟在劍閣今既克重阻瞻望涪益

且夕可圖請乘勝取蜀魏主不從十三年魏復謀取

蜀分遣其將甄琛出劔閣巴西太守張齊與魏爭葭  
萌敗還小劔大劔諸戍皆棄城走長興初董璋孟知  
祥謀據西川璋遣兵築七塞於劔門又以劔門北置  
永定關布列烽火唐軍來伐石敬瑭入散關前鋒王  
宏贇等引兵出人頭山後過劔門南還襲劔門克之  
進破劔州而大軍不繼乃還宋乾德三年王全斌伐  
蜀發利州至益光得降卒牟進言益光江東越大山  
數重有狹徑各來蘓蜀人于江西置柵守之對岸有  
渡路出劔門南二十里至青韁店與官道合由此進

兵則劔門之險不足恃也康延澤曰蜀人併力守劔  
門若令諸師協力攻取而命別將取來蘓達青韁北  
擊劔閣與大兵夾攻破之必矣全斌從之劔門遂下  
蓋劔門控扼險阻不容恃力以取也由劔閣南五里  
緣岩數折而上爲五里坡十里至青樹子又五里有  
山對峙中平如削宛若橋梁路出其上曰天然橋又  
五里至漢源鋪方輿紀要漢源坡在劔州東三十里  
舊置驛于坡上口漢源驛宋乾德三年王全斌伐蜀  
遣別將由來蘓道至青韁店出劔門南二十里蜀將

徐淮揚寧鎮常蘇

雲核紀程

卷六

王昭遠畱偏將守劔閣自引兵陳漢源坡以拒青韁之兵爲宋軍所敗卽此又十里至石洞溝溝水出馬腦崖東流入嘉陵江秦蜀後記劔關以南古柏夾道如龍蚪兩巨石對峙曰石洞子巖厓峭仄緣石磴屈曲而上五六折乃造其巔又十里至抄手舖又二十里渡聞溪抵劔州聞溪水出牛心山東南流入嘉陵江州治在漢陽山南麓方輿紀要漢陽山峯巒高聳州主山也亦謂之北山或謂之故壘山有姜維拒鍾會故壘又治西有普翠山治東二里曰臥龍山亦曰

九龍山又有鶴鳴山俱謂之南山環遶州治南北二山之間有大澗石橋跨其上後唐長興初孟知祥將龐福誠拒官軍于劔州乘夜襲敗官軍于北山官軍退保劔門繼而知祥軍分屯南山石敬瑭尋自劔門進屯北山知祥將趙良隱陳于牙城後山別將李肇晉陳于石橋敬瑭自北山進擊州城敗却又遣騎兵衝石橋復不能進敗退劔門卽漢陽山也州本漢梓潼地劉宋分置南安郡梁置安州西魏曰始州置普安郡唐改曰劔州州南鶴鳴山麓有重陽亭距州城

一里唐刺史蔣侑建李商隱為之作銘亭之南磨崖刻唐元結中興頌顏魯公書按中興頌磨崖碑在湖廣祈陽縣涪溪口故云湘江東西中直涪溪石崖天齊可磨可鐫今劔州亦有刻者或因明皇幸蜀曾駐蹕于此而顏魯公生于武連距此不遠後人仿而摹之耶州治後真武觀小池中有石劍長丈餘斜插入地係明州牧李璧鑿

十九日由劔州西上普翠山山在州西一里壁立如屏為混一真人棲真之所南行石逕逶迤上鶴鳴山

路尤詰曲登頓甚苦又西十里至青涼橋橋下水名石曰溪出漢陽山南東南流至漩口入嘉陵江又十里至梁山舖古柏數千株翠陰交覆盛夏不見日影隴蜀餘聞自劔州南盡梓潼界古栢千株皆大數十圍形製詭異有一株根裂為二巨石負之如巖巖之狀又有一根而三四榦者高皆入雲蜀道奇觀也明正德中劔州守李璧所植沈聯芳劔南古栢行云劔南大道多古栢兩行夾立森寒碧大者圍可十人抱小者高亦數百尺挺如老虬爪鬚張怪如山鬼鬚眉稜又如翠蓋交千重濤雨不漏水涓滴蟠根負石橫半崖有若巨蟒出巖隙行人過此休層陰夏無苦日冬無霖槎枒撐突禁翦伐

甘棠蔽芾留遺音。古來道旁多種柳。種柳斯意非不厚。只恐秋風過短亭。落花飛絮將無存。君不見灞陵橋影蕭蕭。攀條贈別最多事。離心縮繫增切切。詢知種柳盈綺陌。不如種栢有餘益。種栢猶得耐歲寒。種柳徒媚春風色。試看關前又十里。至講書臺本宋黃行路人。何人不解懷李壁。

兼山讀書處兼山名裳劔州人宋乾道中進士官至朝請郎諡忠文嘗薦朱元晦于光宗稱為第一等人蓋亦南軒東萊之流亞也又十里至柳溝池溝水發源垂泉山東南流入嘉陵江又西經明兵部尚書恭襄趙公炳然墓側循垂泉山麓數折上層巔二十里至垂泉舖又二十里逾武連坡逕武侯祠下至武連

驛本武連縣治也元和志武連廢縣本漢梓潼縣地宋元嘉中于縣南五里僑立武都郡下辨縣又改下辨僑置武功縣周明帝始改武功為武連隋大業九年移今治至元廢今為武連驛寰宇記廢下辨縣在武連驛南五里臨小潼水郭璞識記云縣路翠武功貴縣路青武功榮宋慶元丁巳縣令何琰治路刻石記之名稱松碑今碑尚完好碑陰有元至正魏公書院記泰定間改武連於潼津以此為唐魏文貞公所生之地改舊儒學為書院祀之又有魯公逍遙樓大

字碑許儒龍顏魯公逍遙樓三大字碑云魯公書法

鉤鐵畫精神殊我昔南遊購三紙始勤終怠臨摸踈

此日驚見此大字神彩奕奕難形模道遙樓圯亦已

久鬼神呵護存山隅世人臨池歐柳貴亦頗爭嗜褚

與虞後來紛紛取姿態譬彼嬌女懶非夫公性剛方

筆勁挺衆中當稱孤野寺僧廊此增重頽坦敗

天逾名都猶恨碑旁半崩剝當時歲月空糝糊學書

不成余已老平生向慕聊區區呼宋元豐五年敕牒

御史盧雝八分書碣宋紹興庚申馮翊楊師雄書助

修新學進士題名碑陸放翁宿武連驛詩碣皆在北

山覺苑寺數碑皆為獻賊鏹去年號獨紹興字存陸

過武連縣北柳池安國院煮泉試日鑄顧渚茶院有

二泉皆甘寒云唐僖宗幸蜀在道不豫至北飲泉而

愈賜名報國靈泉云滴瀝珠璣翠壁間遭時曾得奉

龍顏欄傾欒缺無人管滿院松風晝掩關又云行殿

與閣人作主人又云我記江南一泓寒碧無今古付

園茶只應碧舌蒼鷹爪可饜紅囊白雪芽又宿武連

縣驛云平日功名浪自期頭顱到此不難知宦情薄

似秋蟬翼鄉思多于春爾絲野店風霜傲裝早縣橋

燈火下程遲寒鞭戛手戎衣窄忽憶南山射虎時彭

端淑武連驛次放翁韻云寸草榮心別有期廿年顛

倒勢難知空憐游子顏如墨不見高堂髮似絲驛旅

蕭條鄉緒亂關山迢遞馬行遲人間鷄黍尋常事各

奇傑先生已後時許儒龍陸放翁詩碣云宋代詩人各

多題名此日武連定增感自言鄉思無宦情宛聽寒

一失滄桑更放翁微憾官不顯簡今寓意詼嘲生後

輕武功邑廢詩不朽千秋此事誰能爭雨淋日炙碑  
字沒自有名宿來茲行鐫題鄭重屬呵護同嗜不顧  
凡愚驚石湖范老亦宦蜀遺跡散落幾于兵東坡南  
遷山谷死空聞短碣留山城何似此詩便游屐往來  
嗟賞還相廢比視諸公獨  
差異自關冥數非經營

敞佛殿畫壁金碧如新南壁有知進禪師像自題偈

云這漢郎當出醜終世談空說有人求佛祖元機也

解指榆道柳此事畢竟如何對衆常伸兩手師永樂

間入驛西小潼水一名強水水經注強水出陰平西

北強山姜維之還也鄧艾遣天水太守王頎敗之于

強川卽是水也其水東北逕武都陰平梓潼南安入

西漢水寰宇記小潼津發源京兆山分水巔謂之京

兆水四川通志小潼水出平武縣界東南流逕劔州

武連驛西又逕州南又東南逕南部縣南又東至蓬

州界入嘉陵江

二十日由武連驛渡小潼水上盤龍山十里至瓦子

埋二十里至演武舖卽陽沔戍也晉永寧二年李特

圍成都時河間王顥鎮關中遣督護衙博討特軍于

梓潼特使其子蕩襲敗博兵于陽沔卽此二十里至

上亭舖古名郎當驛明皇入蜀雨中於此聞鈴聲問



黃旛綽鈴語云何對日似謂三郎郎當因令樂工張

野狐製雨淋鈴曲唐羅江東詩山雨霏微宿上亭雨

中因想雨淋鈴是也張祐雨淋鈴云雨淋鈴夜卻歸秦猶是張徽一曲新長說上皇

垂淚教月明南內更無人王士正郎當驛雨中二首云金雞賜帳事披猖河朔從茲不屬唐却使青驢行

萬里三郎當日太郎當武連縣南雲氣遮郎當驛北石槎榭西風盡日濛濛雨開遍空山白芨花沈聯芳

上亭驛云細雨微風過上亭海棠零落霧冥冥不知當日野狐曲可作霓裳一樣聽山中多白

芨隴蜀餘聞白芨花白色五瓣瓣中有苞白質紫點

內吐黃鬚極可玩武連梓潼間山谷多有之予嘗喜

陳白沙詩恰到溪窮處山山枳殼花楊夢山詩常記

任家亭子上連翹花發共銜杯皆未經前人道及因

得絕句云西風盡日濛濛雨開遍空山白芨花二十

里至七曲山一名五婦山華陽國志秦惠王許嫁五

女子蜀蜀王遣五丁迎之還至梓潼見一大蛇入穴

五丁攬其尾拽之山崩壓殺五丁及女而山分爲五

嶺蜀王因命之曰五婦冢亦曰五婦侯山之西北隅

有張惡子廟甚著靈異今爲文昌神漢地理志梓潼

五婦山碑志存五婦山神廟李膺益州記梓潼有鳴

湍折碑祠西臨潼水湍迅激流俗呼張君祠亦呼爲

石碑祠李商隱張惡子廟云下馬捧椒漿迎山在縣神白玉堂如何鐵如意獨自與姚萇

北十二里高四百二十丈北夢瑣言梓潼縣張惡子

祠乃五丁拔蛇之所也或云雋州張生所養之蛇因

而立祠時人謂為張惡子其神甚靈圖志神姓張諱

亞子因報母仇遂陷縣邑徙居是山其墓在隆慶府

梓潼縣東二十里續搜神記云有神姓張名亞道術

顯著廟在梓潼元宗幸蜀著靈追封左丞相唐書廣

明二年僖宗幸蜀神又見于利州桔栢津封為濟順

王親幸其廟解劔以贈神王鐸謁梓潼張惡子廟云盛唐聖主解青萍欲振新

封濟順名夜雨龍拋三尺匣春雲鳳入九重城劍門

喜氣隨雷動玉壘韶光待賊平惟報關東諸將相格

天功業賴陰兵蕭邁和王侍中謁張惡子廟云青骨

視吳誰讓德紫華居越亦知名未聞一劍傳唐主長

擗千山護蜀城斬馬威靈應掃蕩截蛟鋒刃國志

侯昇平鄼侯為國親簫鼓堂上神籌更布兵郡國志

濟順王本張亞子戰死而廟存昔亞子西至長安見

姚萇期以嗣後九年至梓潼七曲山見尋至建元十

二年萇隨楊安南伐蜀將至七曲迷道遊騎賈君蒙

見一鹿馳去逐至廟門鹿自死追騎共劔之有頃萇

至悟曰此是張君為我設主客之禮烹食而去釋道

源義山詩註晉建興末神與姚萇為友後萇以龍驤

將軍使蜀至鳳山訪神神假以鐵如意祝之曰麾之可致兵葺疑未信神爲之一麾戈盾戎馬萬餘列之平坡今試兵壩是也名山縣有神親書紫府飛霞洞記敘里居甚詳其文云吾舊生越雋間按越雋爲郡居天下之西南得坤之用在漢時戶僅四十萬其俗多營窟板屋而息如上古穴居野處之世其曠岩穴接黎之邛笮都雅之靈關道自唐大斥土宇包蠻荒而郡縣之民不堪命越雋遂與腹裏壤斷土隔真人幸啓偃兵息民執玉斧而大渡劃棄之外夸越雋遂

淪嗚呼吾將安歸當以黎雅爲鄉也黎之邛峽關有靈應洞乃吾之變化所其俗醇厚簡古如周民好善堯民可封其地襟帶岩巒如泰華之磅礴岷峨之嶙峋吾嘗愛而居焉近奉帝命往來全蜀至則寓之行化恨榛莽掩翳如小有清虛之所吾必久留邑下苟洙父子念此甚久吾知而直命之乃忻然于吾殿後斬荆棘去茅菅爲一洞天費僅二十萬錢屋穴皆備吾揭爲紫府飛霞蓋本班固賦西都據坤靈之正位放太紫之圓方與王勃記滕王閣彩徹雲衢霞霧齊

雲林雜錄 卷六  
飛之義上以示吾不忘故鄉之意下以期有志于攀  
鱗者休哉蒙山之下亦有變化之所矣後之人有能  
自勵而期爲汗漫游者乎然東山舊祠興自紹興丙  
寅今年丁卯始克有洞穴而洞穴不成于他人而成  
于苟洙父子亦有數也一日苟洙父子欲記年月曰  
此事非神其誰宜爲吾亦爲忻然親書于石開禧三  
年六月十八日記高文虎蓼花洲間錄祥符中西蜀  
有二士同硯席旣得舉貧甚干索旁郡以辨行將迤  
歲始離鄉里懼引保後時窮日夜行至張惡子廟時

已昏晚大風雪不能前進遂禱于神各占得失且祈  
夢就廟廡下席地而寢入夜風雪轉甚忽見廟中燈  
燭如晝殺俎甚盛人物紛然往來俄傳道自遠而至  
聲振四山皆岳瀆貴神也旣就席賓主勸酬如世人  
二子大懼潛起伏暗處觀焉酒行忽一神傳旨謂帝  
命星官作來歲狀元賦一神領旨揮筆而就其題爲  
鑄鼎象物賦旣成朗誦一過諸神曰當名作狀元者  
魂魄授之二子默喜私相謂曰此正爲吾二人發迨  
將曉見神各起致別傳呼而去視廟中寂然如故二

子素聰警各記其賦寫于書帙後無一字遺忘相與  
拜賜欣然倍道而行至京適將引保就試過省益志  
氣洋洋半驗矣至御試二子坐東西廊御題出果鑄  
鼎象物賦韻亦盡同東廊者握筆思廟中所書懵然  
一字不能上口間關過西廊問之西廊者望見東來  
者曰御題驗矣我不能記子幸無我隱東廊者曰我  
正欲問子也於是二子交相詬憤不得意草草信筆  
而出及唱名二子皆被黜狀元乃徐爽也閱日見印  
賣賦與廟中所記者無一字異二子始嘆息悔悟神

之靈異類如此道經二月初三是日文昌帝君誕蜀  
碧獻賦亂蜀追尊梓潼神爲太祖高皇帝重修七曲  
山神祠又建壯繆侯祠於其東皆極鉅麗賦詩其中  
令其從官嚴錫命等屬和稍遲輒殺之其詩刻石置  
祠北八卦亭知縣王維坤碎之維坤長垣人順治辛  
丑進士秦蜀後記七曲山謁文昌宮甚壯麗登百尺  
樓觀盤陀石八卦望水二亭潼水經其下流入鹽亭  
射洪上有二柏傳是晉物雲棧集廟有獻賦金臉綠  
袍象乾隆十七年始毀按神生平出處不見正史相

傳神名亞其先越嶲人因報母仇徙居劍州之七曲  
山仕晉戰沒人為立祠見續文獻通考則祠始于晉漢書地  
理志載有石碑祠李膺益州記謂石碑祠俗呼張君  
祠疑始自漢孫光憲北夢瑣言以祠在五丁拔蛇之  
所疑為蛇神崔鴻後秦錄謂姚萇始為立廟皆臆說  
也後秦錄姚萇為左衛將軍隨楊安伐蜀晝寢水旁  
上有神光燦然左右與之至梓潼嶺見一神人謂  
之曰君早還秦秦無主其在君乎萇請其姓氏曰張  
亞子也言迄不見至是果據秦稱帝因即其地立張  
廟公歷代屢著靈異唐明皇狩蜀神迎於成都萬里  
橋追封左丞相僖宗播遷神見於利州桔柏津封濟

順王宋咸平中益卒為亂王師討之忽有人言曰梓  
潼神遣我來九月二十日城陷至日果克州以狀聞  
詔飭修祠宇追封英顯王見事物紀原宋理宗景定五年  
三月二十九日封神文聖武孝德忠仁王清河內傳  
淳五年加封神父顯慶慈佑仁裕令德王神母昭德  
積慶慈淑恭慧妃左司獨孤氏七月十五日生因軒  
邛州岳功累封廣佑嘉應昌澤孚惠王今掌文昌左  
班右司李斌八月十五日掌文昌右班王達蠡海錄世傳  
忠烈翼濟正佐王今掌文昌右班王達蠡海錄世傳  
文昌君從者曰天聾地啞蓋不欲人之聰明用盡故  
假聾啞以寓意夫天元仁宗延佑三年七月加封輔  
地豈可以聾啞哉元開化文昌司祿宏仁帝君見萬歷志天下學校亦多

立祠奉之蓋因道家謂上帝命梓潼神掌文昌府事  
 及人間祿籍故也史記天官書斗魁戴筐六星為文  
 昌一曰上將二曰次將三曰貴相四曰司命五曰司  
 中六曰司祿周禮大宗伯以禋燎祀司中司命月令  
 季冬之畢祀天之神祇鄭康成謂司命司中與焉是  
 文昌天神也星有六各有攸司而統之曰文昌從其  
 重者名之也文昌所居鄰于斗魁名曰天府於梓潼  
 神無涉而以梓潼神當之者如棄之於稷勾龍之於  
 社其德足以配之也但梓潼神於文事無所表見道

藏有文昌大洞經十卷

宋趙抃序  
元衛琪註

多載符籙咒訣不

類儒家言世傳文昌孝經六篇寶訓一篇其理與聖  
 經相表裏其詞淺近明白使人易入但託于果報時  
 雜以釋道之言如十七世為士大夫等語事涉幽元  
 學者亦多疑之唐孫樵有祭梓潼神文見經緯集李商隱  
 王鐸蕭邁有張亞子廟詩皆不及主文唯魏了翁梓  
 潼廟詩有神為斯人扶正學之語見鶴山全集在元加封  
 號以前後人求其故不得或指為張仲轉世如化書  
 所云或指為呂光或指為孟昶而翟顯直以文翁實

之皆鑿空杜撰無稽之甚者也陸稼書謂文昌天神  
 配文昌者自孔子而下宜於從祀先賢中擇一以配  
 之見三魚然神之所司惟職是視豈必盡由平生之  
 所長彼伍英烈之為潮神謝金龍之為河神天后之  
 為海神豈嘗以治水見哉况神為母報仇則以孝顯  
 因戰而沒則以忠亡維孝與忠已立人道之極其于  
 文也何有子夏有云雖曰未學吾必謂之學惟其人  
 道之克盡也然則文昌者聰明正直重實行而以文  
 藝為末者也世之祀文昌者亦於立心制行中求合

於道而不必沾沾於文藝焉可也吳省欽七曲山梓潼神廟云文昌神

乃星斗魁戴筐之六星五為司中六司祿以燹燎祀  
 傳禮經今之廟貌遍區宇梓潼山頂云最靈其山七  
 曲水九曲曲水遶練山開屏丹闔半啓抽筭篋綠袍  
 烏帽形肖亦神肖朱衣老吏執簡趨鈴蹏盤陀片石  
 神所顯乘氣彷彿翔天庭如龍白馬八尺九尺問何  
 用立仗驕秣歌駟或云呂光或孟昶不如孝友張  
 仲留儀型不獨手授氏王鐵如意鑄鼎作賦喚起舉  
 子理穉心魂醒一賊金臉飄紫絰隅百隅坐如有聽  
 吹簫貫箭骨成粉妖狐依社百年後始滿餘腥當時  
 月竊初祖冀神祐舊邦雞犬肯使屠伯惡滿通  
 天刑能捍大難典宜祀况說歲貢雷村千載而上飛  
 驚霆是神是星語象涉愴恍雲旂書卷青天青七曲  
 倘應帝車次齋祠在七曲山麓前為忠孝樓累三層  
 戒穆卜持筭筵

高百尺再進為高歌臺上奉文昌兩廊置配享法象

筭篋車蔽

玲珩音靈屏行不正也  
 綖音聽帶徒綖  
 綖音授亦作  
 韞韞韞韞  
 同徑又音亭



雲水雜錄 卷六  
森肅後爲桂香殿左卽風洞毘連子母聖殿轉上重  
堦爲啓元殿又上爲天尊殿由樓北行爲盤陀石石  
圓如磨高三尺上肖聖像再北升爲應夢臺峯頂爲  
望水亭由廟逶迤而下里許爲千佛崖上鑄佛像數  
尊旁鐫紫府飛霞洞記再下爲劔泉泉出石壁下其  
上祠觀音大士四川通志劔泉在縣北五丁力士廟  
西相傳五丁劔遺插道旁忽生泉又云劔每庚申日  
現十里有石表曰送險亭蜀棧之險至此始盡又十  
里至梓潼縣故廣漢郡也公孫述改爲梓潼郡劉

先主嘉霍峻守葭萌之功又分廣漢以北別爲梓潼  
郡以峻爲守晉初移郡治涪以梓潼屬之西魏又於  
縣置潼川郡移縣于郡南三十里改曰安壽隋開皇  
三年廢郡移縣復舊治大業十年始改曰梓潼  
楊慎梓潼道中云小市孤烟起平岡落日斜素林驚夕鳥錦石  
戴寒花悵別關河晚凭高眺望餘上亭今夜月流影  
夢還家沈聯芳梓潼道中曉行云北郭誰司篋東方  
夜未央寒烟迷五婦霖雨憶三郎處處山雞舞聲聲  
謝豹忙平蕪行已盡穩步上崇岡

二十一日自梓潼西行渡潼水一名梓潼水水經注  
梓潼水出其縣北界西南流入于涪有五婦侯馳水

所出一曰五婦水亦曰潼水也其水導源山北南逕梓潼縣王莽改曰子同矣自縣南逕涪城東又南入于涪水謂之五婦水口四川通志梓潼水源出龍安府大業山下伏流七十里至梓潼縣北朝陽洞復出逕七曲山西馳水入之又逕其縣南又南流逕鹽亭縣城南鶯溪水入之又南至射洪縣獨坐山入涪江由潼水岸西行五里逕長卿山下長卿山舊名神山唐元宗幸蜀遙見山上有窟詢係漢司馬相如讀書處因賜今名

李商隱梓潼望長卿山至巴西後懷謙秀云梓潼不見馬相如更欲南行問酒

壚行到巴西覓譙秀巴西惟是有寒蕪王士正長卿山云漾舟潼水碧潏潏一抹青峯想玉顏留得文君好眉黛薄雲初散長卿山沈聯芳長卿山訪相如讀書處云長卿昔未達讀書此山中一朝賦凌雲千載生英風至今游寓處名與駟馬同人無樹立惻惻慚此公九域志長卿山上有長卿寺下有漢李業石闕後漢書李業字巨游廣漢梓潼人少有志操習魯詩師博士許晃元始中舉明經除爲郎會王莽居攝業以病去官杜門不應州郡之命太守劉咸強召之業乃載病詣門咸怒出教曰賢者不避害譬猶鼓弩射市薄命者先死聞業名稱故欲與之爲治而反託疾乎令詣獄養病欲殺之客

有說咸曰趙殺鳴犢孔子臨河而返未聞求賢而脅以牢獄者也咸乃出之遂隱藏山谷絕匿名迹終莽之世及公孫述僭號累聘不應遣鴻臚尹融持藥酒劫之起業嘆曰危國不入亂國不居親于其身為不善者義所不從君子見危授命何乃誘以高位重餌哉融見業辭志不屈曰宜呼室家計之業曰斷之于心久矣何妻子之為遂飲毒而死述聞業死大驚又恥有殺賢之名乃遣使弔祠賻贈百匹業子翬逃辭不受蜀平光武下詔表其閭益部記載其高節圖畫

形象華陽國志載景毅景鸞楊克皆梓潼人有士行

與李業竝列梓潼士女志

沈聯芳李巨游石闕云公孫既害士而恥殺賢名身

後縱厚賻初惡難蓋更卓哉李巨游令又西二十里

至板橋舖有水自土門堽南流入潼水又十里至石

牛舖又十里渡萬年橋至宣化舖橋下水出宣化舖

北南流入潼水又二十里至魏城驛本涪縣地西魏

廢帝元年析置魏城縣唐武德三年因其地產鹽改

置鹽泉縣後唐同光四年李繼岌滅蜀還至武連李

紹琛將後軍至魏城遂謀為變李膺益州記肆溪東

五十里有東西井井西為涪縣界井東為魏城縣界

宋因之元省今屬綿州羅隱魏城逢故人云一年雨

芳草有情皆碍馬好雲無處不遮樓山將別恨和心

斷水帶離聲入夢流今日因君試回首澹烟喬木隔

綿州陸游綿州魏城縣驛有羅江東詩云芳草有情

皆碍馬好雲無處不遮樓戲用其韻云老夫乘興忽

西游遠跨秦吳萬里秋尊酒登臨遍山寺歌詞散落

滿江樓孤城木葉蕭蕭下古驛灘聲瀟瀟流未許詩

人誇此地茂林成都文類魏城縣南五里有長嶺高

修竹憶吾州

涼泉出焉其始至也則風於一山玉溜潺湲衆籟成

吟笙竽匪禁登之洗然如謁羣仙心意自殊若與道

俱橫石如隕匪塹匪鑿傍架絕壁根山不落上摩層

霄屹然岩岩其間可俯而入焉則崆峒博敞如堂如

室苔駮古壯奇怪生妍旋開混元益偉造物然則始

知乎山林獨得之士一丘自足窮年忘歸亦何必際

耕父於清冷送白日於昧谷然後為異也傍有舊銘

隱磷餘字即久視元崔司業融守涖茲邑高祺致禱

刻石斯存矣元和元年侍御史李泂記又西渡金帶

橋橋下水出青林溝南流入潼水青林溝有宋蘓易

簡墓又西十里至銅瓦鋪上五層山元和志五層山

在鹽泉縣西南三十里接涪城界跨山腰逶迤行十

里至沉香舖卽唐時奉濟驛也杜詩郭知達注奉濟

驛在綿州北三十里杜甫奉濟驛重送嚴公四韻云

杯重把昨夜月同行列郡謳歌惜三朝出入榮江村獨歸處寂寞養殘生

*[Faint bleed-through text from the reverse side of the page, including characters like '山', '水', '月', '夜']*

